

天方至聖實錄

天方至聖實錄卷之十三

遷都七年至八年事實

遷都七年

五月

哲馬獨立倣卧
立○東曆三月

海北邇征誅

其首惡九十三人

婦幼入旗

財產籍沒餘軍釋

罪盛甲兵具悉收之割其地土之半以易卜尼

老滿合掌分判事

海北邇亦默底納之屬國相距若干里俗尚

二氏教與穆人嫉忌久矣商銳陳兵欲寇默

底納聖人自侯代北葉歸師聞信一面遣士

教化六國、一面整兵征海北邇、以是月上旬
出師、留散馬爾守城、時爾里病目、以補白克
先鋒、以歐墨爾中軍、聖自斷後、至海北邇離
五里下營、敵聞之大驚、閉門不出、敵魁索團
圖計于左右、對曰、畜銳數年、不能見利于一
朝乎、請與戰、及戰不勝、緊守城門、屢攻不下、
有忒爾撒進教者、識天文占驗、進計曰、此時
出師、未有利也、無已、請于某城角攻之、可破、
攻之愈堅、聖人曰、吾獅兒未至也、遂檄爾里

至、爾里兩目癰痛、不能睜、聖以口津抹之、痛

止、目睜較常倍明、爾里常病目、自此爾里往

一攻而開、誅其聯名首惡九十三人、其婦女

幼子入旗爲奴、餘軍俱釋、盡收其盛甲兵什

物其財、籍其產、割其國地上之半、曰、民禮而

國富、福也、民畔而國富、禍也、斯民禍于斯富

矣、城有厄、卜哈基谷之寶藏發之、命易卜尼

老、渴合分割其地、卽掌其國、海北邇多萬年

聚地、悉歸之、其後民種棗者、稅其半、順教則

免稅如常

納鎖斐葉

鎖斐葉海葉女也、貞靜閑雅、知闡教、被俘獻
之聖、聖給與遷士、女不願、願侍聖、聖列之侍
婢、女不欲外見、聖難之、俄而真主降命曰、美
乎貞守自固之女也、汝其納之、聖乃納之、列
諸后

罕查直順教歸納財貨

罕查直墨克人、巨富墨克及海北邇人多貨

資營業、聖開海北邇時罕查直在焉、見聖道
高明、遂順告曰、弟子家住墨克、願以全家及
順所有財貨、悉歸穆軍公用、乞假回國、歸結
所有、許之、罕查直來墨克、言歸結財貨、衆貨
多難之、共詣爾巴士乞爲勸緩、爾巴士曰、吾
將問之、遣使問于罕查直、直慰來使曰、吾來
將面告之、罕查直來屏退從人、入淨室、詣曰
聖人攻開海北邇、軍民所有、皆爲所贏、地主
割其半、吾見其道行高卓、順其教已、願以子

所有財貨輸爲公用、今來歸納衆貨、向默底
納輔聖化也、不敢宣言者、恐古來氏及二氏
人害吾、并不還吾財耳、君其隱之、俟吾歸結
去後三日、宣白可也、爾巴士喜、乃力勉衆賸
因得盡收其貨財去、納之聖、悉入義庫、遂家
默底納

逆婦毒羊

海北邇虜婦宰納以蒸羊羔入毒供聖、聖方
取食、羔忽吐人言曰、天差勿取、吾乃染毒者

也。畢施爾取啖之死。聖執婦勸之。招曰。報殺夫恨也。殺之。

或曰。以至聖之總知。不知其毒。而欲食。奚爲至聖。荅曰。此所以顯至聖之感應也。羊毒不須告白。不用神覺。不從自己之審悟。乃從羊口中說出。此所以爲感應也。

晨拜失補之

湖北邇歸途。夜半方下營。八困馬乏。俱就寢。命畢喇勒司更。亦熟寢。日出方覺。聖早起。呼

衆起沐畢、宣禮、補晨拜、哀泣告悞、命曰念禮、禮拜、此補拜之始也、

日落復升

營次、聖自禮、晡拜訖、枕于爾里之懷寐焉、忽天敕降、聖急起接命、時已日落、問爾里曰、禮晡拜乎、對曰未也、聖慌遽、默祝曰、叩真主、爾里乃順主、順聖者、乞轉日輪、日忽躍起、高三竿、爾里亟晡禮訖、日落、

或曰、日落復升、天下當共見之、何此祥

志不載荅曰日落復升祥異志亦有之
當此年月日未之見也蓋地爲圓體僅合
天度彼地之酉時此地之夜半也何得見
之

哈哲氏白

哈哲氏白原字哈哲氏子哈遜海北涉叛教自
不從退之哈不允哈常酒醉死白得退見異
夢卜之曰當爲聖后聞于海北涉王納查氏
王召白見其品貌不凡當爲貴人無疑乃命

寶車珠幌載之遣厄卜而合爲姆奉之歸
王爲主婚王后嬪妃俱有賀贈寶物聖奉命
約之

十一月足立格爾德朝觀

自去歲侯代比葉之約來歲古來氏人恭請
聖人朝觀至是朝期已迫約期已屆古來氏
人不至是月既見新月聖命凡在侯代比葉
約者俱受戒其有不在約而願從朝觀者亦
受戒或告曰古來氏未見來請聖人曰彼昧

約吾醒約也、戒者三千人、留額卜厄德漢、
國稍六百駝爲祀牲、以那後卜掌祀禮、各帶
盛甲兵武、以是月下旬出默底納古來氏、聞
之大驚、互相怨曰、請之來不請、亦來何若、請
之爲美、自知失約、料難與敵、合城出空讓聖
朝覲、只有穆士居墨克者、跪道拜迎、聖大排
隊武、緩步進城、易卜尼勒瓦合引嚮聖、執銅
杖高誦應辭、至禁地、撫立石、命畢喇勒登克
而白宣諭聖、領衆遊房、履易卜喇欣位、禮拜

娶買母納

叩庭諸凡禮制從容細密嚴恪精誠功行既已住三日行曉諭隨來之人一人不許在墨

克退夜

買姆納者爾巴士庶婦之妹德性鄭重爰自朝覲歸來有命自主曰允有成功宜從九后聖人受命娶買姆納氏爾巴士主婚盛禮歸之此聖九后之最末者也

或問曰吾聖備九后七妃有諸荅曰然

至聖也而需若許后妃耶曰特以證至聖之全品更以驗至聖之清明不爲物障也吾聖歷九天而直上不以仙境爲得趣御九妃而守常不因凡情而累德此其所以爲至聖也曰聖人日間勸人夜間勸神自無暇于內事不幾后妃爲虛設乎曰聖人聖人也后妃賢女也皆以輔德成化爲務豈計內事哉且其中復有至理存焉不爾不知也九后乃九天之小樣也此妃乃七

教

遷都

八年

丙二月

色法爾○京曆膺月

古來氏

長三人

入

龍絡卽不爲九天七地所籠絡之樣子也

地所籠絡聖則超焉其不爲九后七妃所

地之小樣也凡人居天地之間孰不爲天

三人者阿孫之子二本爾與幹立德之子哈

立弟與脫力合之子歐士馬尼也皆古來氏

之頭目素信聖人之道而未從聖人之教者

也迨自濠戰一敗古來氏深識二氏之虛傾

服聖人之教、多欲投順、二木爾阻之曰、未可也。穆罕默德道雖高、第勝負未定、吾今且往海北涉楚、附納查氏王、俟穆人再勝、則順之。若其不勝、吾在家爲世胄、在國爲名臣、皆不失其尊貴。衆善之二木爾備多方物、貢于納查氏王。王言、穆罕默德道德之盛、王喜、拜以官。會聖差伍買葉子來納查氏公幹、伍曾殺古來氏多人、二木爾仇之。譖于王曰、伍買葉肝佞之徒、請王殺之、以利天下。王怒曰、聖人若

使也、吾友之差也、誰敢殺之、二木爾唯唯曰、
臣不知其來也、賊言瀆聽、惟吾王至德弘仁、
能赦一切、王曰、吾順奉聖人之教久矣、吾初
以爲奉穆罕默德者、故厚待汝、汝如不誠、吾
則何心、二木爾慌懼戰慄、對曰、惟君命是從、
王曰、穆罕默德高于往聖、若母撒高于其教、
生也、卿順之、卿之永福也、二木爾再拜謝曰、
謹遵王教、王乃命伍買葉子歸默底納、卽携
二木爾同往謁聖人、教途遇哈立弟、自墨克

向默底納路問其去意哈曰穆罕默德之道
真也蓋從其教旅宿遇歐士馬尼意亦同遂
同至默底納謁聖入教二木爾進曰敢問天
差入教可赦往過乎聖人曰入教如初生能
悔過則萬罪全消

左哈克以女進却之

左哈克遷士也有女容德俱美獻聖聖辭之
曰吾受命有終蓋他求字蓋聖以九后告終
矣

造諭臺

先是聖人凡講道訓禮、咸依千樹、有輔士婦
之僕、各把孤木、工本作婦請于聖曰、妾之僕
工本作、令造高臺、講諭立其上、可乎、聖人曰
善、命卽以常所依立之棗樹造之、設三級、凡
聚會講諭、必登其上、其棗木餘枝、夜泣如兒
啼、聖喻其意、以作拄杖、每登臺拄之

五月

哲馬獨立傲臥

以宰薦伐毛、忒宰薦陣亡

以爾里伐之、誅其首俘其從、掠其財貨、收其兵

武建丁稅

毛忒乃隄里噶屬邑隄里噶乃的密市格屬國距默底納千里先是聖差哈立弟致書通速里王徑過毛忒毛忒人殺之從卒遁歸告之聖人聖命宰薦領兵三千伐之盡用白旗聖親送至十里外囑曰如到彼切勿鬪戰只諭以道義如其不遜然後以不遜對之迄至毛忒宰薦先下戰書明日毛忒以萬衆應對宰薦陣亡副將哲爾法墜馬死老瓦合相繼

被殺衆推哈立弟子掌旗亦被傷而折十數
員大將穆軍難支引還聖人先覺發嘆謂門
弟子曰多士之亡彼之福吾之過也傷哉三
子一敵而亡也及哈立弟子引敗軍逃還見
聖請正軍法聖人曰是不爲逃也是爲歸也
逃于主道乃爲逃是役也非吾師兒何足齒
之乃命爾里領旗行聖以手撫其背曰主助
汝者爾里往一戰而平手忒盡誅其首惡俘
其從沒其財產收其兵具建丁賦稅安民而

歸一

後宰馬哈立思之子、亦稱穆罕默德子、蓋
宰馬乃哈立思之生子、聖人之養子也、宰
馬幼從母出行、被該士氏擄賣于歐喀作
市、聖后哈底徹內臣何欽爲姑母買之、因
歸于聖、育克爾卜來墨克朝覲見之、歸告
其兄哈立思曰、汝子宰馬現在墨克穆罕
默德家、哈立思遂同弟克爾卜來墨克謁
聖、求贖、語極悲婉、聖人許之曰、待其自來

可也。取宰薦至曰：識此二人乎？對曰：吾父
吾叔也。曰：今來贖汝，盍從之？吾不取汝贖
價矣。宰薦泣曰：大仁大慈，天差聖人也。吾
受恩父恩母厚，培至今，引我于正道，安肯
捨正而就邪耶？哈立思曰：吁！吾兒，吾豈忍
汝捨良而爲賤？宰薦對曰：父親肯舍我爲
聖使兒舍賤而得貴矣。兒決不舍聖也。聖
呼哈立思曰：汝兒今爲吾兒矣。汝愛子以
情乎？必贖之。愛子以道乎？須舍之。吾爲其

父甚于汝爲其父也復顓衆曰汝輩作誰
吾以宰薦爲子矣承宗而受業哈立思施
而卜心歡色悅曰是子得其所矣拜謝而
去由是人皆呼宰薦爲穆罕默德子迄後
哈立思入教聖人曰盍歸之情道兩盡矣
人復呼爲哈立思子屢從聖出征建功至
是陣亡年五十五歲生子伍洒墨

古來氏財信

先是古來氏因聖來朝觀威勢莫遏想其勇

年又來就取墨克共議再募強兵以備敵國
斂多財慮不足給二氏頭目曰必傾國富家
出其財之半再賈沙目以本利治兵方可克
也因如議復請蘇福揚領之蘇福揚力辭不
往乃另選數人能征慣戰者領五百兵護財
賈沙牧至是將歸矣聖規知差歐擺德領兵
一千五百往伺于海拓地名截之歐擺德至海
拓久伺不至糧盡食樹葉俄一巨魚躍于海
岸分割食之勾半月糧魚之大以肋骨兩端

着地選長人乘高駝過其下如舟帆過橋下也三日古來氏賈至盡掠其財貨計數百萬金就其駝馬車輛截歸途次賽爾弟子階士宰耽饗其軍爲穆人慶古來氏賈逃歸墨克

國城悲悼如喪

月餘而部古來氏協納法色戰黑咱爾黑

國城續

納法色乃二氏之強國與黑咱爾隙黑咱爾乃默底納之邊譯行聖人之教納法色畏之

告助于古來氏。古來氏助兵三千，以銷伏汪
爲將，與納法色合軍，突至黑咱爾，擄其卒二
十人，殺之。大肆搶擄，黑咱爾敗奔訴于聖。聖
喟然嘆曰：「古來氏背約助逆，自取禍也。」時有
白雲現，聖指白雲誓曰：「吾必雪汝仇。」

蘇福揚求和不准

時古來氏自覺助逆之非，信二氏之唆，爽聖
人之約，聞聖人誓必爲之雪仇，大懼，相議曰：
「穆人奪我財貨，則彼實我虛矣。若其來墨克，

是踏泥塗也、莫若取和息兵、且緩其來、再爲
區處衆議求和、非蘇福揚不可、揚因屢事征
戰、亦正懨煩、只得應之、因與爾巴士有舊、經
至默底納、投爾巴士府、乞爲聖前通誠、復舊
約、修舊好、聖召蘇福揚入、叱之曰、汝乃吾故
國鄉長、族屬大人、明知吾道之正、故違天命、
與吾抗衡、三番五次矣、今復背約、助逆凌吾、
附國畏我、速正天討、乃來求和息兵、緩吾師、
養汝銳耶、本當斬汝首級、號令國門、惜汝素

存正念本是好人第爲羣醜唆使目蔽耳聾
矣吾尚有待于汝聰明復啓良心發現也汝
且去傳語國人速來投誠安讓墨克則兵戈
永息矣蘇福揚抱慚而歸弟子進曰蘇福揚
仇敵之魁奈何縱之聖人哂之曰鍋中之脯
也將善爲吾用矣

九月

勸墨款齋川

上旬

開墨克

蘇福揚投誠闔

城順教二氏不
命者十人

聖自遷默底納來八年，無日不思念故土。主
歲朝覲見故國風景，思念益切。又見克爾白
爲二氏所占，心甚惻然。每于晨夕默祈真主
早賜開平，真主降命約以將開。真主降助特
敕印那發武合拏之數勒。譯曰開平章聖于是月
計其自侯代比葉之約業已二年，去歲之朝
聊且一過，未得靖除禁庭，亦未撫順民庶，深
夜悲泣。俄于一夕忽聞命曰：助自真主開近
矣。報喜與一切穆民者，聖人高呼肋擺克道。

三、歡應

后買母納驚覺曰、天差靜夜與何人

對語、聖人曰、謹言、謹言、旋命阿以涉、備行裝、補白克入問欲何往、對曰、不知、補白克曰、齋月、非出征時也、白尼克爾卜請見告曰、古來氏猖獗無似、嘗以齋月犯吾、盍趲齋月征之、出其不意也、聖人曰、緩緩、忽天見烏雲、聖人

嘻曰、此雲正爲爾來雨也、聖默祈于主曰、墨克如可開、俾其人齾噴自閉、則吾弱士可勝、

強狠也、翌日聖人出、忽傳點軍、諸遷輔衆士

齊集教場錄名二十千、留十千守城、以默乞
都目督之、目將士十千、以祖擺前、前跼于是
月十日、查、閉、白、晡時出師、捲旗息鼓、夜行、晝
伏、十四日、卽到墨克、離城五里下營、聖命扎
百營、張十千燈火、此時城人尚未知覺、正慮
背聖約、恐聖兵突至、難以抵敵、通國倚托于
蘇福揚而揚、更懼、寄私出訪問、皆曰、穆人齋
月未必出兵也、一夕出城、登高北望、遙見一
片燈火、大驚曰、何處兵來也、侍者卜、或立曰、

非黑咱爾兵乎。蘇福揚噉曰：何物黑咱爾有如是兵耶。爾巴士在穆營，自思曰：傷乎。墨克人也。聖以如是兵威臨墨克。墨克當無遺子矣。吾友蘇福揚得無害乎。欲救之，苦無心腹人可通消息。又念城人俱係親族，胡忍立視殄滅。乃私乘聖人之駝，飛向墨克城來。至厓喇克。墨克北忽聞人私語竊聽之。蘇福揚也呼之。揚聞聲，知是爾巴士，應曰：吾友貴人何來。爾巴士曰：爲救爾衆來也。天兵到矣。聖人

將十千無敵之士來取墨克因汝輩不道屢
事爭戰背約助逆也蘇福揚慌憐曰有救乎
爾巴士曰聖以道教人也悔而順保爾無虞
通國之安端在今夕蘇福揚曰衆未可言也
救我爲急爾巴士曰遠借吾見聖蘇福揚欲
進城取騎爾巴士曰不可緩矣速附吾駝遂
同騎向聖營每營盤詰見聖叔不敢阻滯過
歐墨爾營歐見之曰仇人來也急欲來捉爾
巴士懼事縱駝投中軍見聖歐墨爾透馬先

至人告曰、蘇福揚屢次侵犯、失約助逆、真其
之仇也、天差之仇也、今來矣、請斬之、爾巴士
急入趨至聖前、抱定聖足、哀乞赦援、曰、至仁
至慈、不念舊惡、祇願天下共遵正道之聖人、
今夜非聖威不足以制強、非聖仁不足以宥
罪、聖乃命歐墨爾暫退歸營、令爾巴士帶蘇
福揚于行營、明旦議處、明晨聖升帳、命爾巴
士取蘇福揚至此、曰、順乎、對曰、吾順久矣、爲
衆所挾、不敢顯耳、聖喝曰、匹夫汝爲一國之

尊舉七國之將，汝順誰敢不順而敢飾語耶？
對曰：順矣。心中擾雜未清耳。聖曰：汝屢見我，
我順乎？擾雜未清乎？蘇福揚垂首無對。爾巴
士從旁曰：速誦清真言。順教不則殺汝也。蘇
福揚料事無濟，乃高誦萬物非主，惟有真主。
穆罕默德是主。欽差入教。爾巴士請曰：蘇福
揚乃墨克之冠頂昇之官，即使招安墨克，聖
人曰：吾知其有異乎諸人也。待其招安墨克，
既下拜輔士首蘇福揚伏地請曰：古來氏

懼聖威請降寬旨以慰仁望聖人曰凡投蘇
福揚宅者安閉門不出者安投禁庭者安明
日聖命爾巴士帶蘇福揚于山前看兵聖親
點營陣大排隊武嚴肅而進聖自押陣還士
輔士扈擁千後蘇福揚見人馬威壯旗檠整
齊盛甲什物皆似非人間所有曰真天兵也
孰能當之穆罕德稱帝已乎爾巴士曰聖
位而帝權也奉主教不坐帝位以道德爲
勝其尊威乃爲逆主者設耳蘇福揚以手加

額曰聖人者無徵不信前乎吾者未見其徵
後乎吾者徒聞之而未見信不信可也吾親
見之矣復何疑哉遂偕爾巴士先入墨克大
呼曰吁吾親族友人暨諸民庶穆罕默德真
是奉天開教誅惡討逆凡我國人咸當改邪
歸正順之者身家俱保逆之者自速罪禍請
安者無罪爾巴士高聲呼曰天聖有旨凡投
蘇福揚宅者安閉門不出者安投禁庭者安
蘇福揚接聲曰順教者兩世俱安衆官軍士

民見蘇福揚順不得不順矣歡踴開城拜道
迎聖聖乘駝執杖入墨克檢點官紳民士咸
誦清真言入教其有二氏不服者逐出遠譯
不復入禁盡沒其財產有叛命者十人男六
婦四誅之安民既已然後朝房

聖親掃禁庭除佛像

聖于是日先于韞母哈尼宅姨母家也禮八拜見本經
出領衆朝房房有三百六十座佛每過一
佛聖以杖擊之曰真誣矣僞化焉佛應聲而

倒悉命搬出郭外焚之躬自掃除旣淨臨易
卜喇欣位禮二拜命畢喇勒登樓宣禮响拜
問取天房鑰匙或告藏脫里合子歐士馬尼
家索之不與爾里以威取之曰借也開天房
門聖入腹內禮八拜見囑最真經註爾巴士收鑰匙
主命下曰惟真主命汝還寄與其人聖遂
命還鑰匙與歐士馬尼溫慰有加曰汝永執
之他人不容擅取汝亦不得擅與歐士馬尼
異之曰胡強取而弱與也爾里曰主命也歐

士馬尼感其正遂見聖入教是日天敕納速爾章降其義畧曰如真助到矣開矣爾見人振振入教矣爾須讚主告赦維真主是最准討白者討白悔罪辭

盟申約

聖人傳諭闔城官民男婦長幼大會于索法山立盟申約以爾巴士蘇福揚爲盟長約曰感讚真主世讚歸主創天設地製器陳物普益羣生利我民庶民生而愚失迷正路沉淪

異端墮落岐悞爰差聖哲降之經書指迷歸
正返證本初正學明則邪言滅其教至則衆
法除乃予奉行天討誅滅羣邪扶持正道明
正學闡真教爾輩官紳士庶悉遵正法永保
真常曆世無替所有供奉佛像盡行焚毀所
有胸懷疑貳悉卽消釋天命五功人倫五典
婚喪禮制悉遵教門規矩而行奸盜殺人叛
命不詭及侵占傷義之法盡除舊例苛繁一
遵新律簡畧嗚乎爾衆須知人生于其所死

死、于、其、所、生、惟、後、世、實、強、于、今、生、今、世、爲、暫、
宅、後、世、爲、永、宅、汝、輩、須、忘、今、生、而、務、後、世、則、
兩、世、俱、安、爾、輩、須、改、風、易、俗、遵、主、順、聖、者、衆、
聞、竟、歡、呼、踴、趲、齊、頌、聖、德、共、感、天、恩、及、午、而、
散、各、歸、第、盡、毀、所、供、佛、像、爲、炊、薪、呪、曰、吾、生、
人、爲、汝、死、物、惑、耶、吾、真、道、被、汝、假、像、迷、耶、莫、
靈、貴、于、人、而、奉、汝、土、木、耶、咄、

毀佛宇

墨克有三大佛寺、素云靈驗、一曰偶咱、二曰

墨那提三曰胡擺力聖旨命毀無敢毀者聖
遣哈立德毀偶相歸曰毀之乎對曰毀矣曰
有見乎對曰無曰未毀也再往毀之哈立德
因往見一婦人赤身黑膚披髮號言于堂哈
立德拔劍斬之歸告于聖聖喜曰毀矣遣審
爾弟毀墨那提守人拒之曰佛不可毀也忽
一婦人跪地求免揮劍斬之并碎其佛像欲
焚其寺寺人俱願入教留寺爲居遣二木爾
毀胡擺力守堂者曰君欲何爲曰奉聖命毀

佛曰、佛天人之主宰也、孰能毀之、二木爾曰、
果爲天人之主宰、自無能毀也、吾來毀者、假
像死物也、揮劍斬之、寺人愕然曰、佛不顯靈
耶、二木爾曰、真至矣、假化焉、汝輩立見其無
靈、胡不棄假而歸真、曰孰爲真者、曰造化天
人之主也、曰佛卽造化天人之主也、曰佛亦
人也、亦受造之物也、佛有像也、真主無像也
凡屬有像卽非真主、異端邪說之認主、莫不
有像、像則假也、日守其假而不知有真、且復

多爲文說以飾其假此其所以爲異端邪說也諸教以人爲主者爲其有神通法力也千古聖神神通法力未有高于穆罕默德者穆罕默德不自稱主人亦不稱之爲主但曰真主欽差以闡教明道爲任以指迷歸正爲責平生勤懇娓娓何嘗自居高大也汝輩能從穆罕默德之教則得真主之道矣寺人聞竟俱各傾服與盧曰吾輩悞却從前矣乞聖差指示出我迷塗歸我正路二木爾命誦清真

言寺人咸跪地高誦萬像非主惟有真主穆
罕默德是主欽差咸入教欲留寺爲居寺人
曰願焚之毋留此邪魔之集穢汚之所以爲
清真聚二木爾喜遂焚之率衆歸告聖人聖
人喜且爲之賀曰爾輩捨泥丸而拾寶珠矣
各賜之居給勘合復遣士于附近諸國焚毀
佛寺近千餘所未越月俱報毀竟

是十五日還默底納

聖師原十千兵至是增廣二千留十千兵守

墨克拔二千老弱者回

十月

少哇力。東曆八月。

上何伐花津俘虜四千人駝馬

二十四千羊四十千黃金四十千兩白銀八百

萬兩寶銀民建丁賦歸

花津一名侯乃尼大川名在墨克他邑府之

間距墨克三日路聖人既開墨克遣士教于

花津歸正毀佛花津人不服結連色基府會

兵萬衆截聖歸路聖既出墨克二日聞報卽

以歸師向花津時少哇力月初十日也補自

克進曰二千老弱安能敵萬衆强悍宜徹墨
克兵禦之聖人曰兵不在多也補白克私語
賽里墨曰此行恐不利也諸軍志餒聖覺曰
諸士以戰爲人力乎有主助乎人有恒志主
必助之特慮諸士志不堅耳予托助于主亦
賴諸士之堅志努力乃能建功也諸士咸奮
勇呼曰吾輩何能惟賴真主之助聖人之威
福也明日對陣一戰而勝穆軍大悅乘勢追
殺忽敵營中大呼曰須念醜辱拚死殺之死

忠強于生辱也。敗兵復上，冲散獲兵，聖守定。
中軍令人吶喊，復聚穆兵。時補白克歐墨爾
爾里爾巴士蘇福揚俱在一齊擁出，逆兵抵
敵不住，敗下。復上拚死而殺，聖立中軍，見敵
勢滿湧，取上洒之，其聲磊磊如鐵塊之落銅
盆者。敵人見滿空遍野，皆是穆兵，大敗而逃。
盡弃輜重、妻子、駝馬、牛羊。穆人大獲。時有天
敕降曰：射也，非爾射也。主射之也。敵有眷屬
財物存貯，教他司。

地名

聖遣亞密爾領兵一

往取之守禦敖他司者德里得年一百七十
歲尚能禦敵副守馬立克共力拒戰不勝逃
亞密爾追之墜馬亡穆軍并力追殺盡掠其
財貨妻子搬亞密爾尸歸聖深悼之計其兩
頭所獲俘虜四千人其餘駝馬金銀如數聖
遣士招安花津人降大賞窮民人建丁地賦
租入教者免

十二月

和立后哲
東曆十月

朝覲

聖伐花津既平已是少哇立月尾諭衆曰未

可旋師朝期近矣且駐他邑府他邑府閉門
不納衆欲攻之聖人曰未可也借地無攻移
向查爾法墨克附邑住十三日受戒于祖立后哲
月初旬向墨克朝覲遊房駐山朝儀見後是歲朝
覲墨克通城官民畢集蓋數萬人焉宰駝駝
十牛羊萬餘

歸默底納分羸

羸解見前

自墨克朝覲回復駐查爾法五日還默底納
分賞羸財將與卒同分新入教者優待之人

教而得功者倍賞

花津人入教乞其家屬還之

花津人自敗績後、大悔丁租賦役、甚覺煩瑣、聞聖歸國、分賞特厚于入教人、互相計議曰、莫若順教、身財俱保、眷屬或亦可乞還也、因其來、默底納謁聖、乞赦往罪、傾心順教、聖喜允之、盡免其丁賦、復乞其眷屬財貨、聖人因晚矣、皆爲衆軍擄物矣、衆哀乞懇切、聖人因無已、則任于眷屬與財貨之間、取其一、衆沉

思對曰願取眷屬聖願謂衆士曰彼旣傾心
順教卽爾輩之兄弟也宜還其俘願還者還
之不願還者亦還之以後之所得儘先賠之
命士錄名紀數衆士應聲對曰感聖人之德
念衆人之誠願還之聖人曰吾未知爾衆之
願果誠與否必爾每隊長領出所俘按名還
之乃不虛也衆士如命取出按名還之花津
人歡呼頂謝拜揚而去

命爾乞勒墨掌花津稅賦

爾乞勒墨古來氏人初開墨克時、逃向海地、
涉舟中遇颶風、舵師呼真主救之、獲安、爾乞
勒墨駭之曰、爾呼主、乃穆罕默德所云之主
乎、舵師曰、然、爾乞勒墨曰、吾日奉佛、未見如
此靈驗也、遂悔而返、登岸見妻追至、妻先服
聖教、途次勸夫歸順、因而同向默底納謁聖
入教、聖見其爲人忠直、才能又感其善悔、故
命掌稅賦焉、時花津人來入教者、已免稅工
賦、未入教者、不免也、

花津守將馬立克順教厚賚之

馬立克世族巨富被移軍擄掠家屬財貨一空迹于他邑府及聖軍駐他邑府閉門不留因恨之亦畏之也至是見諸國臣服孤城難守且亦知聖道之真二氏之謬乃潛出載車來默底納謁聖求允入教聖人喜曰以汝之才能不應屈節人下以汝之通達不合爲二氏奴今汝投誠汝之福也命誦清真言馬立克對曰造化真主吾無疑也君爲天差素所

不信而今信矣。君實真主，欽差也。于是入，繼聖命，盡還其眷屬財貨，更賜百駝、衣物千件。曰：「若爾招安他邑府，卽以汝爲守。」馬立克感泣咽咽，拜謝去。

伐他邑府

他邑府人強悍無禮，爲諸國之最劣。聖以馬立克招安，不服，乃遣哈立德領兵一千伐之。哈立德曰：「恐兵寡不足，以下百里之城也。」聖人曰：「他邑府守堅難下，稍爲困之，阻其不出。」

已矣彼不戰母促其戰兵衆則糧草累重不利干久也哈立德領兵至他邑府圍之衆欲攻之哈立德不可曰有聖戒在有士逼城城上亂箭射下造石駁打之不開圍十八日聖旨到命回軍留軍斷後防追擊他邑府人見穆軍回追之俱被傷是役始終四十日

是月后馬里葉生以下喇希默七日報牲命名
先娶宴諸士

聖納馬里葉甫一載于是月生子七日倣爾

基格

天方人生子七
日宰牲之名

命名以卜喇希默宰牲

宴客以報主恩也剃髮兌銀髮重若干卽以

銀若干給貧以荅主賜也衆士官民稱賀聖

不受賀第曰吾受寄物矣大饗諸士

是歲聖墻厄卜阿肅歸服長女宰納卜卒

宰納卜幼字厄卜阿肅阿肅行朱乎得教附

古來氏從白得爾征遭俘聖命入教不從離

之還其女女不改字阿肅亦不再娶所生二

子長曰爾離次曰厄馬墨從父仍居墨克至

今六載矣。是歲阿肅從古來氏賈沙牧財貨。盡爲穆擄。潛人默底納來投仗于宰納卜。卜告于聖曰：速去之。未有穆人護逆人者。况離間無親男女有嫌。命衆士查點其被擄財物。按數還之。阿肅感其德。領其財物歸墨克。原係貸人之物。一一清還。與衆告曰：吾入聖人之教矣。吾不早入者。恐穆人疑是我財。而取之。恐爾人疑我不還爾財也。遂遷默底納投聖入教。聖命與宰納卜重新婚禮。未幾

宰納卜卒聖親爲殯塋

澠合氏入教

澠合氏原蘇福揚之步卒從吳侯地征以殺
韓澤得功守禦耶滿今聞聖已得墨克聖道
大行來投誠入教衆士原有誓如獲殺韓澤
者必如罪殺之今見其來共欲報仇聖人止
之曰昔日無知殺人今日有知愛人愛人者
人愛之穆民之視人也與其進善不穢
遂與入教

大方至聖寶錄卷之十四

遷都九年至十年事實

遷都九年丁卯三月

勒比而立、倣臥立。○東曆丙寅年十二月。

忒米木

戰不勝順

忒米木默底納之附邑也、俗攻文詞、不服聖化、聖遣輔士艾納往教之、拒闕不納、郊住數日、佯退野伏、牧人出獲之、得二十五人、并所牧駝馬歸、聖命禁之、待其來贖、忒米木頭目爾他勒濟白厄子勒爾等求見聖方、肅禮久

侯聖出曰汝等以說來乎、速回以道來乎、速道對曰皆未也、爲吾弱民來也、曰爲弱民之身財來耶、爲弱民之禮義來耶、對曰爲弱民之安來也、曰爲今生之安乎、爲後世之安乎、對曰吾人惟知有今生、不論後世也、聖人曰吾人知汝地人、通文達理、人生如寄、自古語也有寄寓而不稽其所自來乎、是迷本也有寄寓而不問其所歸往乎、是忘原也、迷本忘原、文理何用、通達何益、時忒米木人驕顏慢

上爾他勒曰道生天地文以傳道君言奉天
聞道亦有文乎聖人曰汝以爲文者何謂也
爾他勒誦文一篇內寓貶誚聖教意聖命教
必提爲文對之濟白吟詩一章含譏刺聖教
意聖命何桑吟詩和之皆有勝義爾他勒駭
之曰多士能爲如是詩文耶吾輩必有異目
之作勝于此也聖人叱之曰汝輩知人所能
之文矣亦知有人所不能之文乎爾他勒曰
敢問孰爲人所不能之文聖命歐盟爾誦天

經對之、歐墨爾高聲朗誦如哈章、未竟、三人
驚倒、曰奇文絕調、必非人言也、請問其所自、
出、聖人曰天經也、三人拜伏頓首、搖首曰信
乎、真主之經、天差受之也、遂高誦清真言、自
萬物非主、惟有真主、穆罕默德的是、天差也、
遂入教、聖命艾納、盡還所獲、卽同往忒米米、
招安衆姓、合邑入教、卽以艾納爲邑守、

四境歸服以畢喇勒掌優禮

時聖道大行、四境歸服、百王進表、欲來默底

納朝聖入教聖苔旨允其來以畢喇勒爲優

禮官掌優待來王之禮迎來送往分給賞賚

四月

勒比爾阿后爾
○東曆正月

發喇國王率臣民歸服○

納交卜王

歸服○

額思德歸服○

庫喇部歸服○

○大賴尼

歸服○

爾立渥氏歸服

時各國俱得聖旨諸王率臣民具方物來獻

底納朝聖入教每王來朝聖盛服拱坐衆士

帶劍班立榮仗森嚴王趨上禮畢聖命坐怡

容悅色問慰殷勤諭以從真去僞奉正除邪

盡廢從前紊亂偏駁之禮、一奉中正純粹之道、從真首要、在乎認主、去偽大端、在于闢佛、在國一切淫祠佛宇、悉行毀之、又曰佛氏奉稱愚教、蓋以惑諸愚民也、今知者亦從而信之、流毒害人無窮、爾諸賢王當力拔其根、救民于水火也、諸王匍匐頂謝曰、謹奉聖教、王各奉貢獻、聖俱有宴資、

他邑府以二氏頭目十三人投順

他邑府屢征不服、因二氏人爲梗、日事牛戈、

民生不息至是官民咸知聖道之正二氏之
邪矣因執二氏頭目十三人來默底納見聖
令二氏與聖談道二氏不敢情願歸順入教
補客爾氏太乙氏自耶滿來朝貢方物

二國久已聞風入教矣今乃以觀光來朝也

倍荅所貢復賚之

五月

哲馬獨立敖臥

以哈立德征收黑咱爾稅

賦并建寺宇

先是聖差幹里德往黑咱爾征稅建寺幹里

德與黑咱爾舊隙愠焉迄至黑咱爾以聖使
至大悅宰耽迎之幹里德疑其詐亟歸告聖
曰黑咱爾有反意聖人曰有跡乎對曰弟子
疑也聖人曰咄疑何用忽黑咱爾人至見聖
奏曰弟子聞天使至卽宰耽迎候不料天使
遽返恐罪及特來迎請聖慰之曰彼疑矣更
命哈立德往囑曰以私隙致疑疑能致枉汝
其以禮維之以義取之哈至黑咱爾時已暮
聞沙牧邦格聲昏拜宣喜曰禮義之國也省

夜銳賦廣建寺宇留士教習民心大悅越日而歸

六月

哲馬獨立阿后

聖僻居

羣后爲分餽競聖惡之異日覓馬里葉得之于哈甫奴室哈甫奴歸忌之語阿以涉曰聖謂馬里葉于我室阿以涉告于聖聖曰汝非天下後世女德之式也而蓄忌心吾誓一月不御諸婦因命補白克歐墨爾攝理政務居深室小樓飲食內使進之然而五時

必赴寺也。越二十九日出阿以涉曰：天。遂居一月。今纔二十九日也。聖人曰：月有大小。大月三十日，小月二十九日。此月小也。俱至問安請罪曰：吁！吾豈爲惡？汝僻居乎？吾與主對越也。識者曰：僻居一月，亦聖之米而拉直也。

此云也。

七月

勸魯卜。東曆四月。

武達克征魯。密王以臣國請興

密王欲順聖教。諸小國不可相拒。兩月不戰而

還

盧占何咱目厄撒納亞米勒諸國王連盟上
表請魯密王東征曰東南之區有穆罕默德
者自稱天差于墨克默底納創立新奇更改
古教東帶諸國帝王皆臣服之邪焰飛空狂
摧掃地若不亟爲撲滅將恐濫及上國矣請
王急早東征臣諸國願助一年糧給十萬師
魯密王素服二氏教雖早聞聖教之正于蘇
福揚然以久安無事亦欲有動夜夢身直處

空手攀太陽、疑之曰、日爲君象、復何攀爲、上者曰、君德爲日、示君作德耳、今王出師、懲異除邪、正爲天下萬世作德也、王然之、遂領師十萬、以是月初旬、出魯密、至沙牧、沙牧王太犒王師、費數十萬金、啓曰、墨克默底納素爲魯密仇國、吾王征之、克敵必矣、臣願效前驅、俸糧自給、王喜、兵至離閣、待臣奏曰、師衆而行遠、未若致敵來也、遂駐扎離閣、信至默底納、聖集衆士曰、真主命予征忒通克、是役也、

路遠而時暑，諸士願出征者，錄名，各備行糧。願出而無力者，有力者助之，準其來去之費。是役也，路勞而寡獲，宜多備費，除發庫財之半，外各有力者願助之。時衆士久閒，聞征，皆喜。第畏路遙天熱，多怯。錄名者僅三萬人。補白克全捨家財，值黃金四十斤。歐墨爾捨家財之半。爾巴士脫里合、歐士茫阿孫等俱各有助。庶民男女皆以金銀釵釧、手鐲耳環，或指樂輸之。聖命多製旗幟什伍，以補白克全。

中軍祖杯爾前跼佐腮的領教士旗爲右翼
厄卜都章領黑子而直旗爲左翼聖自領歐
墨爾爾里歐士茫及諸遷輔押後以是月上
旬出師時天氣酷暑午寢夜行晌晡二拜俱
禮于一時或早焉或遲焉沿路設拜壇兵次
烏墨城魯密屬國也王名厄起特有勇畧聞
聖兵過欲截之祖杯爾請命攻城聖人曰未
可也直道而過彼無能于我也直抵忒逋克
距離閣三十里下營魯密王師出而心悔私

計曰穆罕默德果末世聖耶孰能制之非末
世聖耶焉能大其事使偵人探其舉動一與
蘇福揚所云聖德符合嘆曰果越百氏而上
也天使臨凡孰能制之吾有過矣乃集諸國
王臣論曰古經有載末世聖人矣穆罕默德
之名蹟動靜若合符節伐之恐招天愆也莫
若暫且退師靜俟若果是聖人我輩俱當歸
順若非聖人天主豈容此狂妄必然殄滅無
須我輩勞師動衆也沙牧王啓曰自天主降

生後無復有聖人矣。穆罕默德狂妄創立新法，更改古教，煽惑愚民，侵蝕天下，既不利于主教，且又屢侵上國，苟不遏其微而滅之，必至烈焰燒天矣。魯密王曰：吾已心折其人矣。汝輩奈何？諸國王齊聲請曰：王服其教，彼逆吾國矣。魯密王曰：彼行教非圖國者也。汝輩且退。吾自有區處。是夕下令結裝，明早旋師。諸國王臣無可奈何。沙牧王忿恨頓足，飛檄島墨，斷其歸路。明日聖聞魯密師歸，亦命歸。

師衆士請追之。聖曰：不可。魯密王師出而心悔，其有爲之君也。吾子彼尚有後望，不可逼也。且此禁月也，彼不與戰，吾不與戰，天禁也。師出有名，殺之無名，何可追？且吾師之出，因彼欲侵吾國也，彼且退，吾何進？于是大舉而還。

是征也，數見奇徵。

武通克路聖多昔奇徵，史臣畧紀其概，如後云。

禦風

甫至古喇川夕，忽傳令曰：今夜有颶風，颶音橫暴

也人不可獨起，必相扶而起，相依而立，駝膝

俱上絆，夜至果然有洒二的氏二人自恃孤

行，被風舉之，擲太乙山陂，昏倒，土人識之，載

送營

祈雨

行次絕水，聖舉手面闕，默禱未已，而雲生雨

作，全軍得飲，器囊滿貯，雨忽收而路不濕，聖

人曰吁衆士爾輩醒覺主不吝于爾祿爾可
獨吝于主工乎

歸駝

聖駝失遍覓不得奸黨啞曰聖人能語天上
事而不知駝在何處耶或告之聖人聖人曰
吁吾有知乎哉真主知之也駝現在某川某
林彊牽于某樹枝衆亟趨視之果然

井泉

武進克井泉盡爲沙牧人填塞軍士慌劇聖

命以盥沐之木任挾多坎點滴其中泉卽湧
注聖師歸而水竭

全軍啖糲

糧程不及炊軍士飢甚聖命數士提囊馳馬
沿路散糲只取勿視全軍飽餐而囊糲仍裕
爲士祈功。

尊尼查代求得陣亡功聖人曰是役未必戰
也懇求聖命取樹葉扎膊上祝曰主也不將
其血付諸逆人尊尼查代驚曰弟子不求保

全也聖人曰爾果誠心爲道病卒亦得陣亡
功果子歸師日得瘳疾卒

誅刺

還師日離忒連克數里有肩夫十數人臥路
旁聖遙見卽命捉住曰奸賊也勘之乃沙牧
王所覓死士伏路刺聖者十二人誅之

還計哈立德取島墨島墨順封其國

聖歸師次島墨島墨王厄起特受沙牧王機
嚴飭精兵斷聖歸路聖聞之晒曰十羣焉能

遇巨艇乎諭哈立德曰汝可領汝部下四百八十騎遙道取島墨彼兵自退吾軍可長驅歸矣哈立德啓曰厄起特勇敵萬人況一城也四五百人可下乎聖笑曰懦才吾有錦囊付汝汝今聲張取島墨勿抵城勿與戰離城五里野伏待明日暮開視之厄起特與城在此錦囊中也哈立德領兵徑襲島墨厄起特伏兵聞之急退聖軍歸哈立德依計探其兵已歸城城門緊閉次日暮開囊視之曰一更

月下、厄起、特出城獵野牛、取之、勿殺哈立德。
取土人問之、對曰、厄起特最愛野牛、每于月
霽城上俟之、必有野牛至、取之、哈立德傳諭
衆士、卿枚摘鈴、准于一更到城下、是夕厄起
特携妻登城玩月、至一更見野牛宿隍邊、大
喜曰、今得所求矣、急挾弓矢出、恰遇哈立德
至、捉之、從者不知兵數多寡、急入城緊閉、哈
立德重縛厄起特、將解歸、厄起特大叫曰、胡
不殺哈立德、曰、聖人囑付勿殺、言汝智勇才

能欲留汝爲大輔也。厄起特感涕曰：聖德如此高厚，吾悞于前矣。乞解縛，願招城人降，以報聖。哈立德覘其誠，解之。厄起特進城，諭以聖人之德，通城納降。厄起特以駝二千、馬六百、甲四百、鎗四百、弓矢二千爲貢獻。隨哈立德見聖，聖悅曰：吾久知汝義勇，遵道信德，汝其歸服，作我藩籬。吾其用汝作休。厄起特亦感悅，頂謝聖德，高誦清真言入教，遂封厄起特世襲島墨王，給印劄，厚資之歸，遣士爲輔。

論寶救發奸

[illegible]

出者如約、爲擄獲而出者無功、爲竊盜而出者無後福、不得已怨怒而出者、與未出等、其未出而有罪者、如其自悔自責者可赦、隱瞞者無赦、告發者無赦、巧言飾非者無赦、真主之鑒觀于天地人物也、幽微畢照、巨細不遺、心之所向、意之所之、孰能瞞之、今也無須告發、患奸畢露、真主早已示覺、予某某愛主思征、自怨無力、悲泣三日、某某陰助某士若干、爲征費、真主已赦其往過、約其來福、某某

疾實爲退畏、某某告故、實爲惜身財、某某信
無力、實爲坐觀勝敗、又有某提兵先予而出、
扎營某地、窺予師行、捲旗而返、是皆無赦之
罪也、今日者、真主命予、論賞赦過、發奸而不
名斥其非、蓋曰、人莫不自知其非也、若能實
心怕主、自悔自責、思勉將來、竭力於正道、可
望有赦、依功錄福、若故蹈前轍、私心自昧、永
遠沉淪、汝輩須自悔自責、無及天罰者、衆士
聞、竟大啓悲憾、咸伏地、請爲告赦、發願傾輸

身財爲主道用者多半

論曰、武道克征于諸征爲最難、一則路遠、
二則天熱、三則人多貧、四則禾始稼、五則
魯密兵爲天下之最雄、人皆畏之、不願出
征也、旣出矣、未一戰而還、無見功績、又無
擄獲、勞軍費財、莫此征爲甚、未免從出者
怨、未出者謗、捨財助資者有私悔焉、謂此
行爲虛舉也、烏知實由真主之命令、非聖
人之私意乎、主命之義意何在、穆人久矣

于逸豫矣。均稱穆士，而其中忠佞賢奸相
去如天壤。同爲出征，而其中真僞公私不
類如金瓦。真主知之，聖人知之，衆人不知
也。真主欲彰其隱，特以此征試之，使忠真
不得泯其功，奸僞不能逃其罪，而庸鄙之
徒不敢以瞞昧從事也。主定如此，聖斷如
此，曉白于衆人如此，則怨謗息，私悔除。

是月海北涉南查氏王薨

王名額速哈墨承父祖基業，御國愛民，服從

聖教遠域穆人多投仗之深蒙其護庇安養至是無病而薨薨之前夕囑諸子及衆大臣曰吾承祖父之訓服從聖教汝等遵吾典衿服膺毋違訓迪子孫永保勿替凡有傷穆罕默德及穆罕默德之教生者卽猶傷我卽猶傷我祖父如有別國侵犯兩禁之地急卽救之無敢怠慢無敢坐視無負我冥冥之望至聖聖領衆士南郊設壇南向殯拜謂之昂亡復遣士執賻往吊

八月

拾而邦
東曆五月

聖女庫立蘇木母卒

女名韞母庫立蘇木乃歐思茫之繼室也。歐
原配聖之次女魯幾業以遷都三年魯幾業
卒于白德爾征時繼以三女妻之至是亦卒
子厄卜脫里合廬其墓

十一月

祖立格爾德
東曆八月

命補白克朝覲宣約

先是聖因出征頻煩不暇逐年朝覲乃命補
白克與聖翰替朝之今歲補白克朝則明歲
聖自往朝也聖諭補白克曰是日也真主降

化天地帝王初受時寶天民敬服命維萬
罔極福慶無疆今以汝爲朝覲之官代守行
禮務極周悉以二十駝爲祀牲以三百衆爲
侍從尊乃事敬乃儀恪誠乃心汝至墨克先
宣讀天敕白喇厄數勒大經篇名然後命戒四事
一尊主不二二奉敎無私三朝房之禮盡廢
舊習從新制四須知但爲穆士必進天堂
後朝覲補白克受命往

是歲毀如喇勒寺逆首阿昧爾死

先是二南氏與敖福氏造古巴寺恭請聖駕入寺禮拜聖樂往二氏奸徒嫉忌之亦謀造寺延聖禮拜欲害之也夫能起事有厄部阿昧爾韓托里等爲武爾撒學人聖初到默底納拜門請見聖命入問何教阿昧爾對曰易卜喇欣教聖曰易卜喇欣不容拜佛也對曰弟子不拜佛聖人曰謬也阿昧爾誓曰若謬必遭流亡孤死聖縱之及吳侯地征阿昧爾協逆攻穆花津兵敗阿昧爾逃至沙教訛沙

牧王馳書各國會兵勦穆復至魯密詔改索爾王東征師至離閣不陣而返阿昧爾無計向各國募資佯言造天主堂得萬金與韓托里潛歸默底納倡言造禮拜寺請聖門穆士十二人首事糾工工既竣成舉默直墨爾門有道士為以馬目以邀聖信率眾恭請聖人赴寺禮拜時聖方料理征忒逋克辭眾固請許以歸來眾請題名聖曰如喇勒傷害之意迄聖回師眾迎于與臧地名距默底納西北二十里懇請許之

命馬立克與撒林帶領十人先往打掃殿庭
暗囑以計馬等領命至彼佯云打掃縱火焚
之阿昧爾逃馬等歸白聖問故聖人曰彼造
寺以賺吾往欲害我也吾初卽知之命名如
喇勒用其意也衆曰穆士糾工默直墨爾掌
教奈何聖人曰此奸黨之餌賺也諸人被惑
爲所用矣何傷其爲穆士彼募衆之財騙也
騙者不義故焚之不留其不義爲吾清淨室
也衆乃釋然阿昧爾無面向各國潛遁沙牧

之野憂悶而死以應其誓

歐墨爾襲位繼業默直墨爾為古巴

寺掌教衆曰不可彼曾為如喇寺掌教也

墨爾曰無傷也彼時為奸黨惑也無傷其為掌教也

尊尼查代孫阿卜都卒

尊尼查代墨克人也少孤貧養于叔叔巨富

行二氏教賈於默底納居焉尊尼查代既長

聞聖人之教欲歸之叔不許曰爾捨予巨富

去耶抑欲以予之巨富與穆人耶隱忍多年

不能已告叔曰侄志在從聖人之教叔曰孰

非聖人之教。對曰：凡拜像，卽非聖人之教。怒曰：吾不能遏汝之志，汝但赤身去，我不得取吾財，亦不容携汝之所有。尊尼查代遂行，叔盡脫其衣裳，至襪袴不容服，乞得片毯裹體而出。夜投聖府，時聖在寺，晨禮未歸，急投寺衆方禮畢，聽講。聖見之，呼曰：來者何人？對曰：佛奴。聖人曰：佛非也，尊尼查代主奴也。尊驚曰：真聖人也。因告其來意，聖命取新服衣之，誦清真言入教，命歐墨爾領之，讀經習禮。

尊尼查代聲高而急，衆人惡之。告乎聖，聖曰：姑容之，初進也。尊尼查代身材壯偉，長七尺，佩四尺劍，而性怯，從忒連克征，求得陣亡功，以疾卒。子阿卜獨孫阿卜都世襲父職，至是阿卜都卒，聖親爲殯葬，曰：此子天人之所共愛也。

色魯直子卒

色魯直乃黑子而直之尊者，聖初遷默底納，黑人欲尊之爲王，強加冕旒于其首，棄之去。

因慕聖道、投黥底納居焉、日覩聖人之所爲、
事未卽謁聖、各國知其賢、徵聘不起、至是瘵
疾、請聖駕臨床、泣曰、天差道隆德盛、弟子仰
之久矣、逡巡怠慢、至于今日、病不能起、懇望
天差大仁至慈、授我真言、俾弟子聞道而死、
無憾矣、聖遂傳授真言、入教、復曰、懇祈天差
予我衣裳、臨我殯拜、生死俱榮矣、聖解衣衣
之色、魯直曰、盍去舊、易之、表我去俗習而服
真教也、易訖而卒、聖親爲殯、塋、禮制之厚、塋

封之法黑子而直族黨及國人咸集觀之太
悅曰實愛也

黑子而直通邑順教

先是黑子而直本戶族人篤信聖人之教于
爲聖十一年歸順入教矣尚有餘衆不信者
及奸惡與聖相忤者因見色魯直殞葬之禮
與聖人隆重入教之誼俱各感動會來入教
焉

遷都十年

戊辰

三月

勅比而立款臥立○東曆丁卯十二月

使哈立

德教納直郎納直郎王階士順封其國以二木
蘭掌教典管稅賦

自武述克征魯密王信道退師遠近諸國俱
欲觀光來朝近國先賓服後則遠國來朝納
直郎距默底納近千里王名階士才而懦治
政有方而剛斷獨少聖使哈立德往教之王
率臣民迎于數十里外款慰殷勤住旬日王
率家臣耆老從哈立德來默底納朝聖入教
聖大勞慰之卽以階士世王其國以輔士二

木爾輔之掌教典收稅賦盡除佛宇建真教寺

是月聖子以下喇希默卒塋北溝邇

聖子以下喇希默未二歲疾慢驚聖視之流涕曰吁吾兒完爾主約終爾大數豈不樂從離別爲傷耳旣卒哀痛淚漬濕襟或進曰天差嘗禁人哭聖人曰禁號跳禁打臉扯衣禁吟腔作調數落亡行耳悲哀流淚慈愛之徵也人無慈愛不得主慈矣聖親爲殯塋舉國

吊之○是月朔日食越十日以下喇希默亞
人皆曰因聖子死而日食聖人曰非也日月
之食天道之恒也真主大能之證也不因入
事而食也第日月之食如人聰明之惑也見
有食之即返躬思過禮拜祈祝以冀罪愆釋
而復聰明之本也故有日月食禮

九月

勒默威齋月○東曆五月是年有閏

爾桑阿密迺二國來朝

二國東北譯法而西王也朝儀與前同第優
柔有加每王來朝必有命戒曰維真主命故

公惠親親母虐惡抗拒公不私惠不尅親親
不驕已而失人母虐無害民母惡無害政母
抗拒無弛玩天道人倫之典也

墨爾地王爾木爾來朝

墨爾地本名墨爾堤克路北聖人曰王知汝
國爲信佛之尤者乎對曰然曰何由而能去
佛從穆若是其誠也王曰信佛之人莫不知
佛之謬也俗尚爾爾雖有知者亦無如之何
矣今天差明眞闢妄至精至微曉告天下如

日麗中天凡有目者莫不披光見明是以
諸迷暗而投光明也聖人曰爾國佛宇若干
王曰大者三十餘所小者七十餘所聖遣士
從王歸國盡毀之以給窮民爲炊薪另買木
購工造清真寺

小度咳士額氏爾刊德母洒勒四國來朝
四國北譯也聖命戒四事一信主止一無二
二奉主無方無象三盡廢舊習遵行新制興
禮四盡毀佛舍建造禮拜寺入寺禮拜

來哈溫蘇爾勒白阿貴部色你德四國來朝

四國納直郎屬國也命一切行事俱奉二本
離典制

艾土扈瓦郎二邑來朝

東譯地白肫達地屬邑也

耶滿王率所屬七國來朝

聖先覺謂衆士曰耶滿爲內禁之屏障久服
正教患在其君新立不知治國之術納止北
乃耶滿之宗國其王治國愛人肯盡心用力

患在未明治國之道。今來朝異乎諸人之來朝也。必詳述治國之道。俾八國之君臣咸取利焉。耶滿王率七國君臣。帶眷屬臣民三千人。以多方物。駝馬金銀珠寶爲貢。聖命錄之。溫語慰勞。安息訖。明日入見。請訓。聖諭曰。君者真主之影。其務在于治國。治國有本。諸身而見于民。民治國斯治矣。旣治之而理之。然後使安之。旣安之而保之。以嚴已。王者其庶幾矣。耶滿王曰。敬領聖教。敢問治國之道。

聖人曰：治國之道，以國養民者上，以民養民者次之。昔以民養國，則是自蹶其國也；國爲民先矣。王曰：敢問以國養民，與以民養民之異。聖人曰：散帑藏以利窮困，出倉廩以賑飢荒，嚴官守以安民業，不使民不足，而國有餘，此之謂以國養民也。平市易，薄稅斂，丁賦有餘，課給不足，教之以禮義仁讓，而民不爭，不盜，此之謂以民養民也。苟無此二者，索窮民之財，養國家之富，民爲國苦，民心失矣，怨悖

生焉其國不爲民寇者幾希國爲民寇夫國
在反掌間矣王曰敬承聖教敢問理國之道
聖人曰興正學滅邪言教民以聖人之訓天
道五功人倫五典飲食冠服婚喪禮制不雜
異端之學不淪習俗之陋則國政民事均得
其理矣王曰敬領聖教敢問安國之道聖人
曰親親重賢入正出奸懷遠厚荅不勞民不
擅工無禍民之作無怨民之取悅征以餘取
採以時人物俱安國未有不安者也王曰教

服聖教、敢問保國以嚴已之法。聖人曰：不矜
名、不恃位、不慢人、不傲物、與居寢食、念念真
主、視爲君王、與爲吏卒等、同皆真主之奴也。
服教必殷、舉止惟慎、一念不正、戕命之毒、一
法不道、伐國之斧、王者爲萬作之全具也。王
之所好、天下好之、王之所惡、天下惡之、王者
遵于前、孰敢置于後、民行君道、君者天下之
表也、表正而後天下正、是故欲保天下之無
失、先嚴已之心、欲保政教之無失、先嚴已之

法國與異端可守也。枉法不可久也。王聞之，拊髀欠身曰：敬承天差聖訓，永遠遵服。七國王臣咸稽首頂謝曰：臣等治國若庸醫治病，亂投方藥，今蒙天差指授，若得雅師而知鍼灸矣。天差至德弘仁，聰明睿知，福慶永長哉。聖人問于耶滿王曰：木漢勒蘇耶滿時景如何？王曰：自國人奉聖教，今遷勒止北矣。聖諭勒止北，王曰：活佛遷汝國乎？對曰：然。曰：歸即殺之，并毀其像。對曰：微區弱億，曷能殺之？聖

入曰活弗者魔附而爲妖也爲其奴者爲其
制汝爲其君則能殺之王沉吟聖取令箭付
之曰執此卽能殺之速殺報覆王色怯而語
促聖人哂之曰汝信心弱也差遷士葉模耳
偕往殺之毀其像耶滿王率七國君謝愬而
歸聖大資之答其所貢各國聞活佛殺歡悅
傾服曰信乎聖教之真也俱順教

十月少時立○曆六月建立藩王率諸屬國來朝

王各哈比卜掌東南譯諸國因耶滿諸國之

順而順也。帝諸眷屬臣民數千人，方物駟馬，
爲貢。聖諭命飛奏，若如常。哈比卜請曰：「敎國
絕域，距聖化最遠，乞天差賜之經書，委諸學
博傳授，則蒙光化永遠矣。」聖乃賜之真經條
約，命輔士色依德偕往爲司教。

額子德王祝爾弟率諸屬國來朝

東譯諸國也

哈爾部主賽瓦歸服

賽瓦向爲諸寇之首，陰唆諸國忤聖，立賽不

殺穆罕默德不休至是見諸國王臣皆歸
來朝亦率眷屬來朝入教請罪聖人曰但信
主不貳奉教無違毀棄一切佛像佛室則無
罪也寶瓦拜倒侯地曰謹遵聖教至仁至德
虜人于迷網引人于正道者聖教也聖賜之
十號百金

欣都帝率所屬國十二王來朝

聖諭諸士曰欣都斯塘爲東南帝王之國距
此二萬餘里今其帝率諸王來朝信心至矣

宜出郭迎之。王見聖下車。聖請駕。帝請聖同
駕。聖固辭乘駝。王亦易駝。並轡入城。慰勞畢
歸館。明日率諸王朝見。請訓。聖延帝賓位。諸
王下列。聖人曰。君國以何爲教。帝曰。雜教。聖
曰。教何以云雜。帝曰。認理不真。則邪言易入。
人各一理。家各一學。爲教者多矣。聖曰。不有
古聖人之經乎。帝曰。有也。第爲異學混淆。民
心易惑。不知所從矣。聖人喟然嘆曰。天下道
術皆是也。君明道者也。必知其學之所從起。

十二國王臣具在，盡備述原委以曉之。帝曰：欣都乃人祖阿丹降凡之初地也。洪水而後，努海之孫哈日之子欣德氏平治水土，闢國開疆，始行努海之教，卽阿丹之教也。祇奉一主，萬務有制，歷一千五百年，行易卜喇欣之教，依然古教也。教一無雜。又五百年，行母撒之教，母撒在密速爾。極西帝距地四萬餘里，王之國。經書罕通，傳語各別，訛聞母撒無像，民心稍亂。然所從奉，惟知一主，未有雜也。有南欣度

居赤道之下、按天方輿圖東南之國有五坎
則其中其人惑于拜像、度東西南北各一而坎斯塘
國也、即望像拜之、及其久也、邪魔爲崇、以人爲造化、天
地主稱佛、稱神、亦塑像拜之、至有剝木鎔銅
者、祈祥禱佛、不復知有真主矣、其俗浸淫于
都國民多惑焉、正人守正、邪人入邪、亦有邪
正相入、更有邪正兩行者、讀聖人之經、而行
邪異之教、或披邪異之服、而讀聖人之經、且
謬爲之辭、曰皆一理也、始而愚人惑之、繼而

知者亦惑、知者惑、則文其言而飾其理、謬誤相傳、且以爲教矣、此異學之從起、而教雜之由來也、十二國王臣齊聲讚嘆曰、今日方明異端雜教之原委也、聖人曰、君自審何處、帝批、擗欠躬曰、予亦欲闢邪說、正人心、苦無其法、聞天差奉天關化、誅滅羣邪、倡復聖人之教、特來朝謁、請訓耳、聖人曰、美哉、乃心浩哉、乃志大哉、乃事君欲復古聖人之教、則百王之慶、千秋之幸、賴君一人也、古聖人之教、無

他祇奉一主而已欲闢邪說正人心復行古
聖之教無他明夫萬物非主惟有真主而已
明乎萬物非主則不惑于人物之像邪說曷
能入之明乎惟有真主則勤奉有一定之趨
人心孰能動之夫二語者化偽爲真之丹汞
也天國地國之寶鑰也凡人敬持無間敬信于心
持誦無往不利吾之受命行教止此二語已
矣其他一切經訓皆二語之注文帝與諸王
齊起禮謝稱頌讚揚曰敬承聖訓祇奉聖教

既蒙提覺旨歸再祈指授條目活我人心
我人事吾聖天差至仁至德大慈大悲憐憫
衆生者聖人曰主命五功念拜齋課朝千古
聖人之凜遵也主敕五典忠孝節義信千古
聖人之勤奉也五功修天之道也五典盡人
之道也修盡天人之道則人之能事畢矣帝
曰懋哉敬哉寅亮天功服勤人道予拜命矣
于是聖命歐墨爾頒授其經默思歐弟傳給
條律以輔士哈比卜等三十人分隨帝與諸

王爲輔傳經教習歸俱各有貢資給勘合聖
親送出郊帝與諸王歸國盡毀佛室造禮拜
寺鎔銅像爲器

魯密帝遣使問爲王暨革除之理荅之

魯密帝自師出離閣不戰而返中心怏怏欲
服聖教而勢不能商于羣臣羣臣皆忒爾撒
百計阻之帝心猶豫侍臣疏曰豈有中幅而
服邊譯帝王而順草野主教而從異端者穆
人之道雖真而教法反古盡革天生之經除

往聖之教、若順從穆罕默德、則是逆天、生叛
先聖矣、奚可哉、帝曰、吾試問之、乃遣使至默
底納、問爲王之事、并革除經教之理、聖荅旨
曰、凡爲帝王、時省三事、一世莫吾尊、而有尊
于我者、真主是也、生我死我、福我禍我、予我
國土奪我祿位、吾莫之違命也、時省于此、則
不以尊位而傲慢羣生、不因國政而弛玩教
典、與居對越、惟真主之命禁、是行是戒、二世
莫吾尊、而吾與百官士庶、同爲真主之奴、同

爲一體同是血肉之軀同此好惡之情時省
于此則災疾同其憂苦豐稔同其喜樂不施
枉法苛政于民矣三帝王之言行是一切言
行之宗也我若善則天下之善未有過于我
者其善廣無邊際凡天下之善皆吾歸我欲
惡則天下之惡未有過于我者則其惡亦無
限量凡天下之惡皆吾受時省于此則謹言
慎行嚴于身察于國苟有一念一政之不善
卽若癰疽着身必思有以療去之無致喪亡

祚命也。夫三事者，帝王之命脉也。省則往，不
省則死。而所謂善者，尊真主，法時聖而已矣。
尊真主，則不以非主為主，而異端邪學在所
必闕。法時聖，則遵因革之命，而明先聖後聖
之道一軌。彼夫以異學爲教，與不遵因革者，
雖曰行善，非善也。聖聖相承，如帝王禪代，皆
時王而尊往帝，不可也。予豈革除主降之經
者乎？一百一十四部主降之經，盡載甫爾噶
尼經中矣。尊甫爾噶尼一經，猶尊前古一切

所降之經也。予豈革除往聖之教者乎。十二
萬四千聖人之教、總歸以思、喇、穆之教矣。奉
以思、喇、穆一教、猶奉前古一切聖人之教也。
然而必行革除者、因自商、微、升、遐、六百年無
聖者出、異學紛更、經書錯亂、禮敝法除、非前
古之經教矣。予奉真主明命、一切革去、統歸
一經一教、蓋示天下同歸於道也。天下同歸
於道、則萬世永定焉。君者真主之影、吾君掌天
下、式百寮、虛心下問、故敢以直陳、使回帝覽。

旨曰穆罕默德道明教正也吾豈能心違哉
亞密立圖飛勒子厄爾白三人以謀逆誅

三人素毀聖教見萬國來朝愈妬之相爲謀
逆佯以貢獻來朝約厄爾白袖劍殺聖迄至
聖門報入諸士皆告其詐聖曰由之召亞密
立先入命跪下亞密立曰來朝聖國以求榮
也請厚之聖人曰服教爲榮亞密立曰願服
教甘爲效用問其所能曰可貳聖聖人曰吾
受命未有貳也曰君掌城吾掌野聖哂之誦

天經曰、今日之執掌歸誰、歸威嚴止一之主也、懋卒未堪爲將、且畀之領旗、亞密立退召屠飛勒子入命、跪問其來意、對曰、無他、順教也、聖命誦清真言、屠高聲誦之、退召厄爾白入命、歐墨爾執其兩肘、跪下問來意、對曰、順教、聖人曰、袖劍何爲、對曰、路防、聖人喝曰、吾奉主命教化萬方、汝輩羣醜不服謀欲殺吾、吾既受命于主、豈不蒙主庇耶、論歐墨爾殺之、彼二人縱之歸、二人抱頭鼠竄、出城反面。

向城大罵誓必募兵削平默底納越數日二人領兵至大肆慢罵忽一鳥過翅掠亞密立喉倒地喉生一瘤急救回營瘤裂死屠飛勒子復持兵出忽營中火起兵營俱焚屠入救亦焚聖命阮其焚尸與所焚駝馬于野外

捕盜還財

遷士符栽立阿孫之主人也賈于沙牧病篤將財寶包裹貨中囑其二使回家及卒二使盜其財貨逃人不知也聖距二千里覺之發

使捕之得其財貨歸阿孫

二月

禮立后哲
東曆八月

聖維達爾

云辭別聖將
終之朝也

聖于先十一月

祖立格爾德
東曆七月

十五日傳旨各

方凡十日路之內欲朝覲者可來默底納會
合同往聖乘駝左司經右司注命凡所行事
逐一記明衆士馬步從其後二十五日至侯
味補以卑朝受戒沐浴梳髮屬香膏服戒衣
禮二拜出揚聲讚頌衆從之受戒如法衆不

知聖乃以單朝受戒而皆以大朝受戒也

單朝

大朝詳見禮法全書

至墨克入禁庭撫立石遊庭急趨

三匝緩繞四匝皆遊于故垣之外

故垣古天房之圯址

也在克而白之旁相距數尺

至易卜喇欣位高頌天赦云

須取易卜喇欣位為拜所者禮二拜初一拜

頌法體海一章固理呀一章次一拜頌法體

海一章固理乎一章

俱天經篇名

拜畢再撫立石

由索法門出至索法山高頌天赦曰維索法

與墨爾禱乃主之明表也吾以主起者起之

登索法面闕頌辭默祝致意下山向墨爾禡
奔行過川緩步登墨爾禡事如索法自索法
至墨爾禡奔行七次終于墨爾禡開戒易服
然後爲大朝受戒衆愕然異之聖人曰設汝
衆知吾所知者決不將牲携至墨克或將大
朝必作小朝矣大朝正日之朝小朝餘日之朝凡人帶有牲
牲者須以小朝出戒旋以大朝受戒贊喇格
進曰敢問天差只今年如是抑永年如是耶
聖人捉其手指曰吾將小朝作爲大朝內事

卷之三

矣永遠如是爾里自耶滿來帶聖駝百頭法

土默載焉開戒易服艷粧點目爾里惡之法

土默曰父命也爾里問故聖人曰吾女之言

是也吾女之言是也汝初受戒屬何意對曰

如聖之意聖人曰吾有稍牲也汝當常戒勿

開直待大朝畢飲日祖立后誓月聖乘駝向

彌拏高誦應辭駐彌拏竟日禮五時拜夜少

息至日升論移帳駐爾里法堤名山扎帳于南

勒地名過午至瓦隄名川命宣禮晌哺二拜于一

時乘駝向爾里法堤、一絕頂、當米石阿山、向
關告祝、至日落、命伍伍墨與聖連騎疾趨、遇
岡阪則緩、逕趨母子德德里博、禮昏夜二拜于
一時、諭衆少息、午夜禮晨拜、時曉未發也、乘
駝疾趨向關、一路祝辭、讚頌不輟、時日尚未
出、到爾脫白爾脫白、爾脫白射石七次、每次九石、每
念武克比爾至、彌拏彌拏牲壇、宰牲、聖親臨宰
割、一時宰駝六百三十頭、餘命爾里宰之、竟
于駝、每駝割取一臠、一鼎烹之、聖自嗜、乃命

衆食乘至禁門下駝遊庭禮晌拜飲滲滲泉
終衆士見聖禮節周全誠懇嚴恪齊聲問曰
天差行禮如此後人何能望顏聖人曰吾有
寶物遺存凡人保之必不迷路須知卽古爾
阿納也真經名嗚乎衆士若人問我于汝輩吾
在世之所作做將何對衆對曰弟子作證委
實天差乃任道了責忠主愛人至仁至德大
慈大悲憐顧衆生者聖舉指向上復向下復
向衆曰主也作證者

離血

朝覲途次或人告夫妻反目致血聖人曰汝輩財血互相爲戒從此城此月此日起前此之血勿論吾定血之初律乃一卜尼魯拜爾血也魯養于賽爾弟家胡宰立殺之吾以爾巴士爲掌律官所定之律一本主命爾人畏主須遵是律者夫婦乃主命之配偶宜則居之不宜則出之居之出之俱有道穆民遵道而行小人無所不至也汝輩畏主善待妻婦

其爲主之寄物也、以主命斷爲通禮、須相敬
愛和好、如其强悍、喻之責之、不合則出之、曾
顧其在制衣食居處、依常禮

吉兒證聖

子初產母抱至聖前取吉、子忽嘻笑曰、真主
欽差也、聞者大駭、聖卽以穆巴二克名之、穆巴

二克此
云吉慶

魯密家臣費爾注服教逮獄卒

費爾注魯密國人原屬忒爾撒、以博學奇才

官至家宰聞聖人之教心服之屢諫帝歸順

帝許以有待後每見帝喜怒不常倏愛聖道

而欲舍國倏忽惡之而又出征不可待矣至

是陰使人上表達聖白其心服而不知禮儀

請禮儀條目以便遵行以白駝白馬白驢各

四黃金百鎰錦緞百疋爲贊聖荅旨畧疏晨

夕功課儀成冊荅贈品物亦厚賞來使黃金

十二鎰銀錢十二千錦緞四端機布八疋

卽金

之西洋布長四丈闊四尺費爾注得旨甚喜明奉君王暗

奉真主嘗呼曰萬君之君萬主之主或譖于
帝曰無君主私通外國下之獄二氏之徒恨
之遇害

明王把藏薨聖命世子舍合爾襲位以阿密
爾卜母撒哈立德蘇爾勒白二木爾五人爲
輔臣雅得總攝政事歐喀謀削之差墨阿子
繼嗣

耶滿王原聖封也初病疾囑子暨衆臣曰感
謝真主敬頌聖人掌握斯國奉聖人之教歷

有年矣。今也不豫。欲告大別矣。盍請諸聖人。
當如何行事。弱子幼冲。乞聖教之。及薨。訃至。
聖。聖隨荅旨。以世子舍合爾立位。以五人輔。
之。阿密爾哈立德。乃聖人輔士。歐喀。操乃墨。
克之總領。其餘皆先王之舊臣也。墨阿子乃。
選士者。自立之子。嫻熟教典。勤慎老成。耶滿。
入素仰其德教。故任之。墨阿子行聖餞于郊。
囑曰。吁。墨阿子。吉哉。美哉。真主光揚汝道哉。
人品不同。教法有別。帝王之教。宰官之教。學。

士之教農工商賈之教各以其時惟教門禮
法尊卑一例汝到耶滿卽有二氏人問天堂
之鑰匙于汝汝荅曰天堂之鑰匙是清真言
萬閉以此而開直趨真主毫無阻礙凡人虔
誦清真言百禍成福聖阿子曰若問其餘聖
人曰保守真經聖道者聖阿子曰若問真經
聖道之所無奈何聖人曰真經聖道何所不
有人力介之耳汝卑屈于主則高尚于人求
明之心不已主必開汝之知無無知斷事知

之爲知之不知爲不知無妨荅之曰真主能
知也嗚呼墨阿子吾囑汝和讓爲先母事爭
角講道論理惟經聖是依若有疑問書明寄
我待旨後荅勿以私臆對人私臆火獄之引
也言次墮淚曰吁墨阿子今日之別大別也
吾無俟汝異日之歸矣歸歟歸歟見吾寺宇
過我墳頭墨阿子驚泣曰天差無欲弟子之
歸乎聖人曰知士不保終日墨阿子繫執聖
衣傷心流涕聖人曰汝完主命者相依相繼

寧忍而別聖還城大呼曰吁衆士爾衆知之
至合聖道者至慎之人也不論何時何處

古喇爾王順教

古喇爾北譯大國名其王尊巍無並行二氏
教深明治理恩威賞罰大獲民心國人奉爲
世界主晨夕禮拜之聖差哲里勒持旨往教
之王讀旨畧曰人寰莫尊于帝王天地莫大
于真主真主者萬尊之尊也凡屬人神咸禮
拜之固也帝王受諸人臣之禮不宜受人奉

事真主之禮、天人之分固也、首爲一身之尊、
仆地而禮君上、以尊奉尊也、額爲一首之尊、
叩地而禮真主、以至尊奉至尊也、聞之貴國
人臣、以叩頭之禮事君上、古雖有之、今悉除
之、王如以道治天下、功垂千古、請行改制、虛
已下士、愛民敬主、一人有慶、萬庶蒙休、王讀
畢、以手加額曰、天差以道教我、以禮約我、吾
出迷阱而立高巔矣、敢不服教、遂禁叩頭禮、
廢二氏教、親率后妃子臣千衆、來默底納謝、

聖人敎問爲王聖人曰王者真主之影一事
不道王之過王者民之役一夫有失王之責
王者代主之位者也體主之能習主之德有
全美之具焉真主富有萬物惟王者能肖之
若以其富有而習主之德無不可是故博施
濟衆以成仁寬刑薄賦以成慈息威屏怒以
成擔待誅奸討逆以示威嚴明利弊察民隱
以見昭鑒之無漏興正學辨異端以顯治道
之有方旌善養廉賞功罰罪以証賞罰之必

行而無私、若曰享福祚而不已有、日歷世味而不心淪、發高志而并不求兩世之所欲、身立清淨之方、致思無何有之境、則與主爲一矣、如此者、則兩世之王也、經曰、維真主命汝、公惠親親、勿虐惡抗拒、厥命諄哉、汝其欽哉、公惠故親親、虐惡故抗拒、親親則與主一抗、拒則與主畔也、畔之罪莫大焉、王曰、感謝真主、敬承聖教、敢請典禮儀制、以永遵守、聖悉授之、○歐墨爾世古喇爾王率臣民一萬人

千人來黥底納入教、釋四千奴爲良、告曰、弟子有罪、可望赦乎、歐墨爾曰、何罪、曰、向也、吾受臣民之叩頭、曰、今也、如何、曰、自蒙聖人示後、戒之矣、歐墨爾曰、戒斯赦矣、王也、幸、子也、賀、萬罪莫當一悔、悔之于罪、若火之敗毫毛也、惟真主亟准人悔、王感泣謝歸、復釋四千奴爲良、